

四庫全書

史部

欽定四庫全書

史部

廟學典禮卷二

詳校官監察御史臣劉芬

編修臣程嘉謨覆勘

謄錄監生臣李光緒

謄錄監生臣陳祁

欽定四庫全書

史部十三

廟學典禮

政書類二 儀制之屬

提要

臣等謹案廟學典禮六卷不著撰人名氏諸家書目皆不著錄核其所載始於元太宗丁酉而終於成宗大德間蓋元人所錄也其書襍鈔案牘排綴成編未經文士之修飾故詞多椎朴又原序原目散佚無考亦無從得其

門類幸其年月先後皆有可稽尚可排比成帙謹釐析其文勒為六卷雖繁複之失在所未免而一代廟學之制措置規畫梗概具存頗可與元史相參考如至元六年設學校官一條稱儒學提舉司秩從六品而百官志作從五品各路儒學教授秩八品而百官志作九品至元十九年邵縣學院官職員數一條稱總管府設教授二員學錄學正各二員散

府設教授二員學錄學正各一員而百官志作總管府教授一員學正一員學錄一員散府上中州教授一員俱不相合蓋宋濂等修史之時據其末年之制而大德以前之舊典則未及詳考也又選舉志稱至元二十八年令江南諸路學及各縣學內設立小學選老成之士教之其他先儒過化之地名賢經行之所與好事之家出錢粟贍學者並立為書

院是明言小學書院設於世祖之時而此書載立小學書塾乃在大德四年以成宗時人記成宗時事不應訛異如是或至元時雖有此議實未及施行至成宗乃補定其規制而史未及詳歟元史一書自開局至告成僅閱八月其間潦草闕畧不一而足諸志尤不賅脩留此一編猶足以見一朝養士之典固考古者所必稽矣其中有當日文書程式後人

不能盡解以致傳寫訛脫者並詳核釐正無
可考者則闕之人名地名官名譯語對音尤
多舛異今皆一一核定俾不失其真以糾向
來流傳之悞焉乾隆四十六年九月恭校上

總纂官

臣紀昀

陸錫熊

臣孫士毅

總校官

臣

陸

費

墀

欽定四庫全書

提要

欽定四庫全書

廟學典禮卷一

選試儒人免差

丁酉年八月二十五日皇帝聖旨道與呼圖克和塔拉和坦謬魯博克達扎爾固齊官人每自來精業儒人二十年間學問方成古昔張置學校官為廩給養育人材今來名儒凋喪文風不振所據民間應有儒士都收拾見數若高業儒人轉相教授攻習儒業務要教育人材其中

選儒士若有種田者輸納地稅買賣者出納商稅開張門面營運者依行例供出差發除外其餘差發並行蠲免此上委令斷事官蒙格德依與山西東路徵收課程所長官劉中遍諸路一同監試仍將論及經義詞賦分為三科作三日程試專治一科為一經或有能兼者但不失文義者為中選其中選儒人與各住處達魯噶齊管民官一同商量公事勾當者隨後照依先降條理開闢舉場精選入仕續聽朝命准此

秀才免差發

羊兒年三月初一日欽奉聖旨條畫節該一款應州城裏村子裏的達嚕噶齊官人每過往宣使每已前的聖旨如今也罷了者咱每的聖旨裏和尚每葉爾羌每先生達什愛滿每的體例裏漢兒河西秀才每不揀甚麼差發徭役不教當者秀才的功業習學者說來的聖旨體例裏這的每河西田地裏住坐的高智耀為頭兒秀才每執把行打的聖旨與了也這秀才每鋪馬祇應休

拿者地產物業不揀他每是甚麼休爭奪無體例的氣
力休教到者這秀才每兄弟孩兒每秀才的功業好生
習學者這秀才每却着文字有聖旨不是秀才阿差發
根底趨閃將別人自己休隱藏者別人根底無體例的
氣力休教到者若隱藏無體例氣力到不怕那甚麼他
每聖旨俺的 羊兒年二月二十六日青山子根底有
時分寫來至元十六年二月浙東道提學司齎肇前件
檢會到大興府欽奉聖旨至十月十五日宣慰司開讀

高學士諱智耀字顯道河西中興路人也世為西夏顯族曾祖某擢蕃科第一祖某仕至大都督府尹父某仕至中書右丞相夏設蕃漢二科以取士蕃科經賦與漢等特文字異耳公巍然擢第授僉判未及大用天兵西役夏人舉國歸附公隱處賀蘭山哈千皇帝嘗問西夏故大臣家有賢子孫在者否以公對召見上存撫留公左右公性樂恬退未幾復歸舊隱時庫德太子鎮西涼令民間立傳置士亦與焉衆請於公遂乘驛走千里詣藩府進見難遽陳儒者事適太子懸一筌於木上募有能吹簫者大賞之公應募而前太子大悅公曰本家世業儒粗知音樂兵燼之餘某家樂工尚多存者因公乘驛往取之公遂言西州多士昔皆給復今置傳與編氓等乞與蠲免太子從之公奉旨歸取樂工復往西涼太子喜欲官之公不就受重賞而歸久之蒙克皇帝即位公復以儒人差役事北上奏陳儒者之所能三綱五常治國平天下自古以來用之則治不可一日無者故有

國家顯其徭役以養成之因備陳堯舜禹湯文武周公孔子之道有補於世非區區技術者所能萬一上曰有是乎此至美之事也前未有與朕言者遂詔漢地河西儒戶徭役悉除之無所與色辰皇帝居潛藩公因帕克巴國師進見首論佛教帝大悅公曰釋教固美矣至於治天下則有儒者之道又反覆論其所以然者帝甚異之有用公意及即位刻符印付公凡漢北河西儒戶悉委公鎮之從公給文以為驗時漢北淮蜀儒人多為驅者公奏曰以儒為驅古無是也帝方以古道治天下宜除之上可其奏命公奉旨以行前後得釋為民者幾三
四千人以此忤權勢或愬於上曰高秀才所釋者多非儒也上詰公公對曰譬之於金也有淺深謂之非金不可儒者學問亦有高下謂之非儒亦不可上為之釋然時庶事草創綱紀未張公奏曰前代有御史臺為天子耳目所以肅官常整治具誠不可闕上命宰臣記其事越明年命立御史臺實用公議久之有權臣欲令儒戶

與民給徭役者公奏曰昔孟嘗君一列國陪臣耳尚養士三千人至今多之今陛下富有四海皆為臣妾儒在其千萬分一耳除之何補於政然使之安意講習幼學壯行為治理助其効不亦多乎陛下何惜此而不為也上以為然權臣之議遂格未幾上命公為西夏中興等路提刑按察使公以廉勤自將處事公允有僧違戒律撓官法者有司莫敢誰何公遣驛奏之奉旨詰治不少貸境內為之肅然其直而不撓類如此解任入覲上方擇人將命北行者公毅然請行上問公方畧如何公一一為上陳之大稱上意北行以病終上甚哀悼之公年六十有六娶西夏駙馬梁氏女子長壽仕至僉江淮等處行樞密院事睿令為江南浙西道肅政廉訪使

先聖廟歲時祭祀禁約搔擾安下

中統二年六月欽奉聖旨節該先聖廟國家歲時致祭

諸儒月朔釋奠宜恒令灑掃修潔今後禁約諸官員使臣軍馬毋得於廟宇內安下或聚集理問詞訟及褻瀆飲宴管工匠官不得於其中營造違者治罪管內凡有書院亦不得令諸人搔擾使臣安下欽此

設提舉學校官

中統二年八月欽奉聖旨諸路學校久廢無以作成人材今擬選博學洽聞之士以教導之據某人可充某處提舉學校官凡諸生進修者仍選高業儒生教授嚴加

訓誨務要成材以備他日選擢之用仍仰各路官司常切主領敦勸宜令准此

官吏詣廟學燒香講書

中書省至元六年四月欽奉聖旨定例條畫內一款該提刑按察司官所至之處勸課農桑問民疾苦勉勵學校宣明教化若有利害可以興除者由臺呈省欽此除已遵依外事有似緩而實急者學校是也蓋學校者風化之本出治之原也照得隨路雖有設立學官其所在

官司例皆看同泛常不為用心勉勵以致學校之設有名無實由是吏民往往不循理法輕犯憲章深不副朝廷肅清風俗宣明教化之意今移文各路遍行所屬如遇朔望自長次以下正官同首領官率領僚屬吏員俱詣文廟燒香禮畢從學官主善詣講堂同諸生并民家子弟願從學者講議經史更相授受日就月將教化可明人材可冀外據所在鄉村鎮店選擇有德望學問可為師長者於百姓農隙之時如法訓導使長幼皆聞孝

悌忠信廉恥之言禮讓既行風俗自厚政清民化止盜
息奸不為小補

設提舉學校官及教授

中書吏禮部至元六年十一月初八日劄付該先准翰
林院牒開坐到隨路見設提舉學校官呈奉都堂鈞旨
通照擬隨路合設人員同品級連呈事奉此照得舊例
外路學校教授一員別無另設提舉學校職名止是隨
路府州長貳或運司文資官兼充即目隨路已設提舉

學校欽受宣命及見用從六品印信勾當公議得各路
提舉學校官除見欽受宣命人員擬合依舊存設其餘
亦擬行罷去擬合并散府上中州依舊例設立教授一
員各路作正八品散府上中州作從八品開坐下項事
理呈奉到都堂鈞旨送本部准擬施行奉此省部合下
仰照驗依呈奉都堂鈞旨准擬事理施行仍開具選到
人員官吏保結申來以憑定奪施行 一提舉學校據
欽受宣命人員擬合依舊存設其餘委用人員擬行罷

去一諸路散府上中州擬依舊例合設教授一員若有已設教授乞行下各路體究委是德行學問通曉文字可以為後進師範之人擬令委保申省依舊勾當如體究得不應及闕員去處令各處官司取問衆儒人推舉保申體究相應許令勾當若本處委無堪充師範之人許於別州府依上踏逐相應之人勾當

劉付河南
道按察司

釋奠服色

中書吏禮部至元十年二月二十九日符文承奉中書

省判送大司農御史丞兼領侍議司呈至聖文宣王用
王者禮樂御王者衣冠南面當坐天子供祠其於萬世
之絕尊千載之通祀宜莫如吾夫子也竊見外路官員
提學教授每遇春秋二丁不變常服以供執事於禮未
宜及照得漢唐以來祭文廟饗社稷無非具公服執手
板行諸祭享之禮且鄉人儺孔子猶朝服而立於阼階
先聖先師安得不備禮儀者乎釋老二家與儒一體彼
皆黃冠緇衣以別其徒獨彼孔門衣服混然無以異於

常人者自此以往擬合令執事官員各依品序穿着公服外據陪位諸儒亦合衣襴帶唐巾行釋菜之禮似為相應批奉都堂鈞旨送吏禮部擬定連呈省部議得衣冠所以彰貴賤表誠敬况國家大禮先聖先師不必援釋老二家之例凡預執事官員及陪位諸儒自當謹嚴儀禮以行其事參詳如准侍議司所呈以為相應乞賜通行合屬春秋二丁除執事官已有各依品序製造公服外據陪位諸儒自備唐巾以行釋菜之禮呈奉都堂

鈞旨送本部牒翰林院議定連呈奉此移牒翰林院議擬去來回准牒該照得貴部議擬是為相應准此呈奉都堂鈞旨送本部准呈施行

儒學提舉司行移體例

浙東道宣慰司至元十六年十一月初四日劄付該來呈見授奉訓大夫浙東道提學照得卑職係是五品未知與隨路總管府如何行移合無與鹽使司一體設立都目司吏乞照詳定奪事使司得此相度提學之職訓

導之官難同有司除都目司吏別無定奪外據行移一
節照得元奉行省劄付照會諸不相統攝應行移者品
同往復平牒正從同三品於四品五品並令故牒六品
以下皆指揮回報四品牒上五品牒呈上六品以下並
申已下各路照會去訖今據見呈合下仰照驗若有必
合行移事理依上施行

劄付浙東道
提學趙崇霄

郡縣學院官職員數

行中書省至元十九年正月日劄付該據浙西道宣慰

司呈照得近准江南浙西道提刑按察司牒本道既有
儒學提舉司衙門其各路提學職事委是不應設立請
照依鎮江路體例將其餘路分提學職名一體革罷事
准此卑司勾請到儒學提舉司正官赴司一同議得擬
將儒學提舉司元設提管糾彈司計人等依准按察司
牒截日罷去據各路儒學提舉人員除平江路提學勾
煒係欽受宣命勾當已經任滿離職并杭州路儒學即
係上路生員數多已設提學孫朝瑞係省府准擬移咨

中書省聞奏人員擬令依舊勾當外其餘路學元設提學人員擬合革去外據儒學提舉司擬設都目一員司吏二員外據本司議擬到儒學合設職名員數依准所擬開坐行下儒學提舉司依上施行仍將額外濫設員數截日革去并具呈行中書省回牒按察司照驗去後今准按察司牒該來牒議擬到各處合設儒學職名員數行下本道儒學提舉司依上施行及將額外濫設員數截日罷去具呈行中書省照驗外請照驗施行事當

司准此議得各處合設儒學職員除依准貴司議擬外據見設訓導官並各縣學正學錄實為冗濫據此今將各處合設職員開坐前去合行移牒請照驗備去事理依上施行外據各處見設訓導官并各縣學正學錄職名並行草去仍希依准公文回示准此卑司除已行下本道儒學提舉司依准按察司牒文事理施行合行開坐具呈行中書省乞照驗得此送准浙東道宣慰司再行從長講究得若准浙西道所擬員數是為相應省府

除外今將擬定設各名員數開坐前去合下仰照驗施行
總管府教授二員錢糧官二員學錄學正各二員
齋長諭各一員散府教授二員錢糧官一員學錄學
正各一員齋長諭各一員書院山長二員錢糧官一
員學錄學正各一員齋長諭各一員縣學教諭二員
錢糧官一員齋長諭各一員

割付浙東
道宣慰司

歲貢儒吏

御史臺至元十九年九月日承奉中書省割付近為朝

廷選補掾吏無法擬定中書省掾於樞密院御史臺內
令史勾取院臺令史於六部令史內勾取六部令史以
諸路歲貢人吏補充內外職官材堪省掾及院臺部令
史者亦許擢用已經行下吏部依上施行去訖都省議
得省掾考滿出而臨民入而事上資品既高責任亦重
汴流尋源皆自歲貢中出由此言之歲貢儒吏若不先
加教養次以銓試收之必將苟且以求僥倖人才失真
所關匪細比及設立科舉以來定到下項事理承此本

臺咨請照驗施行 一諸州府直隸者有受敕教授仰
本路官將管下免差儒戶內選揀有餘閒年少子弟之
家須要一名入府州學量其有無自備束修從教授讀
書修習儒業若無餘閒子弟可以讀者不得椿配責要
本路官朔望拜廟就加省視勿令廢替非儒戶而願從
學者並聽秋季本司參佐同本學官就學試驗擇學業
有成名子弟近上者充府州學生仍申本州照會標入
學生之籍依舊住學肄業若遇本道按察司及本路總

管府歲貢之時仰本司本路行下本學教授於係籍儒
生內選試行義修明文書優贍深通經史曉達時務可
以從政者保申本司再行體覆相同然後貢解 一各
路司吏有闕須於所屬諸衙門人吏內先選行止廉慎
次論材幹明敏然後勾取委本路長官參佐同儒學教
授立考試擇行移有法美術無差字畫謹嚴語言辯利
能通詩書論孟一經者為中程式仍取考試官保的文
狀然後補充本州司吏外此不許濫收違者有辜按察

司書吏有關府州司吏內勾補至歲貢時本司本路挨
次上名再行試驗相同依額貢解 一歲貢人額按察
司上路總管府三年一次貢二名儒一名吏一名下路
總管府二年一次貢一名儒吏遞進 一六部令吏除
補院臺令吏外諸道行省掾亦擬差補

咨行御
史臺

都省復還石國秀等所獻四道學田

中書省至元二十年九月十六日咨該進據浙東宣慰
石國秀等呈獻江東江西浙東浙西等四道亡宋時元

撥贍學田產若令石國秀等充學產總管府管領辦鈔三千定換給各人宣命不致埋沒等事為此移咨文該學校之設務在養賢若將學田官為拘收士類無以奉養賢才由此而廢若令各學依舊管領似為相應准此方欲施行間又據御史臺呈亦為此事都省議得江南贍學田產所收錢糧令所在官司拘收見數明置簿籍另行收貯如遇修理廟宇春秋釋奠朔望祭祀學官請給住坐生員食供申覆有司照勘端的依公支用若有

者宿名儒實無依倚者亦於上項錢內酌量給付養贍
毋令不應人員中間虛費錢糧據收支見在備細數目
每上下半年申報行省年終類咨都省照驗所在官司
亦不得侵支違錯據合行回咨請照驗施行

咨江淮
行省

先

於至元十九年五月浙東道奏據宣慰石國秀并前亡
宋總管謝允孫石國祥樓性之告言畧謂江東江西浙
東浙西四道諸路州縣學并杭州太學贍學田產約有
數萬來畝自歸附之後諸生並無日請月逐飲食亦無

往來游士春秋祭祀所用不多合於十分中撥二分贍學公用餘外分田產獻納御位下充辦課程石國秀情願出力勾當且認寶鈔三千定乞令石國秀等為學產財賦總管府官仍免佃戶差役事當年八月都省行下合屬照勘有無違碍施行及據各處辨明洞見情偽有無紹興路學所申本學自前代建立以來即有養士田土係與僧寺道觀產業相同即非其他係官田土之比每年子粒不了支用在亡宋時官司於內且日撥公使

庫激賞庫贍軍庫都稅務官錢添助養士名曰四庫錢
自歸附後諸生口糧官職吏僕月糧止靠學糧支用不
敷自至元十三年照舊例行供十四年三月內准宣慰
司劄付令本學依寺觀例自行收支接續養士十五年
二月承宣慰司令史鄭誠呈說前往行省打勘檢照本
學養士米糧不可與係官糧斛一般打勘准呈開除訖
十六年八月內准宣慰司行下再行定奪學官職事吏
僕月給諸生口糧數目十七年三月內准宣慰司定奪

教授訓導錢糧官正錄教諭糾彈掌儀吏僕人員月糧
數目十九年二月內准行中書省行下宣慰司存設教
授錢糧官正錄長諭等職本學每年所用並係該准上
司行下即非擅自收支所有每歲支用項目除春秋祭
祀修造文廟外學官學職月有請糧諸齋生員日行二
饍遊學之人無所歸者亦日有以贍之年老者月給生
料幼學者日亦行供每遇好日祝聖朔望殿謁學官講
說諸生課試事事不敢廢弛即非無月請亦非無游學

亦非無日逐飲食又如儒學提舉司所申杭州太學武學宗學三處係前宋官庫每年撥錢米供贍即無田土以此言之虛妄可知當蒙廟堂采聽公論獲伸四道贍學之田得存教養之初意

省臺復石國秀尹應元所獻學田

御史臺至元二十年月日咨該來咨三道俱為定奪江南等處贍學田產錢糧事准此除已具呈中書省照詳外又准本臺御史中丞崔少中牒竊惟三代漢唐以至

於宋皆立學以養士生徒多至數千置田築室官為營
辦所以養成人材講明義理習禮讓之事消禍亂之源
故識者以為急務有賤丈夫者不知此理徒見廣置田
產以贍生徒遂欲奪而歸之官不知名教消亡所關者
大江南三百年用儒不但科舉而已國都郡縣皆置學
學必有田少者官為增置使人得以養然後欣然向學
化頑獷為循良此實治民之上策況作成人材又可為
國家之用兵火之後科舉已廢民知為儒之不見用也

去儒而為吏為商甚至為盜儒風十去六七矣所賴諸處學田尚可養士猶可稍繫士心使之講明道義化誘風俗近有浙東宣慰使石國秀者獻江南學田辦課後有編民尹應元者獻江南學田賑濟貧民此二人素行無賴讎疾儒生欲奪養士之田而歸之官固出私意亦非長策若使學田歸官則生徒必散中人以下無所利則不知勸絃誦寂寥廟祀蕪毀民不知禮義之教則恐益增其鄙悖之風俗化薄惡何所不至見今江南嘯聚

群起正緣官吏侵蠹士民失望若又顧蠅頭之利括儒學之田不惟官不能資助且使臣無所仰給失人心而犯衆怨人皆有望望不平之心是驅之使為不善也草澤寇攘將恐日甚所得不償所失大不忠於國家合將上項學田仍舊付各處學校以其每歲租糧春秋釋奠修葺祠廟收養生徒講明義理以美風化以收士心彼知名教之樂必不肯為悖亂之歸坐消變故永保太平其利於國家豈止百萬頃學田之比哉牒請照驗事准

此一就具呈中書省定奪明降去後今承省劄該都省
照得先撥本臺呈亦為此事都省議得江南贍學田產
所收錢糧合令所在官司拘收數目明置文簿別行收
貯如遇修理廟宇春秋釋奠朔望祭祀學官請給在學
生員食供申覆有司照勘端的依上支用若有耆宿名
儒實無依倚者亦於上項錢糧約量給付養贍無令不
應人員中間虛費錢糧據收支見在數目每上下半年
申報行省年終類咨都省照驗已經移咨江淮荆湖等

處行省照會本處官司亦不得侵支違錯外合下仰照
驗施行承此須合回咨請照驗施行

咨行
臺

先於至元十

九年十一月有前贛州通判擬授長江縣尹尹應元呈
都省言告畧該欽奉朝廷指揮行下真定等處為說百
姓闕食給賜寶鈔事却緣河北道連年旱災米麪價高
百物俱貴應元自江西來為見江南地面米只是三兩
錢糴一石麪只是五分鈔買一斤自從河北道以至大
都米麪增價數倍應元思忖得江南地面有貢士莊學

院養士錢糧若取索亡宋時租籍照勘盡數拘收該錢糧三百餘萬貫石主典人等埋沒隱藏一半有一半該錢糧一百五十餘萬貫石若蒙朝廷取運賑濟飢民誠為利便開具事目內一項畧云江南地面亡宋時路縣各有貢士莊錢糧三年一番開選場齎發中選儒人作盤纏赴省殿試等用到今九年未開選場其各路縣貢士莊所收錢糧路計數萬貫石縣計數千貫石未有歸者又一項江南地面亡宋時路縣各有學院養士錢糧

日給養贍儒人歸附後學官人等只是一年內支得三四箇月口糧與儒人食用餘並收貯在官到今七年各路縣學院所收錢糧路計數萬貫石縣計數千貫石除支與儒人食用餘剩尚多未有歸着又言諸道所收上項錢糧動計數百萬貫石若將與學官人等埋沒受用及取勘官吏取授不如將救濟百姓乞差官將貢士莊及學院錢糧除實曾支與儒人食用外盡數取運前來賑濟如有是學官人等及打勘官取授並行拘留作賑

濟用度於內江西道貢士莊及學院錢糧應元稍知備
細情願盡心勾當又言合無自至元二十年為頭將所
有貢士莊錢糧既是未開選場且與收係官充濟民用
度候開選場別議給還呈乞施行至元二十年七月都
省移咨江淮等處行中書省委請平章張榮祿參政巴
延於所指州縣取勘前項自歸附至今實收糧斛曾無
支發有此埋沒事八月二十九日又奉行省劄付將至
元二十年錢糧另項收貯聽候毋得動支施行後據諸

處辦明以為隨路府州縣學書院自至元十四年奉宣慰司指揮贍學田糧照寺觀體例自行收支養士又奉節次省臺行下設立職員月給口糧儒士每日登堂會食至今遵守只以紹興路八縣言之院學即無貢士莊名額先奉都省元行令止取勘各處學糧不曾該將二十年合徵錢米另行收貯聽候亦無不得動支明文今行省却令聽候又本道宣慰司止憑處州路教授趙必實呈輒便行下各路將學糧催赴路倉另作收貯前後

所行俱各不一及蒙臺省定奪得存其舊

章提舉司令文資正官提調

中書省至元二十一年十月初五日省掾高柔承行咨
近為江淮見設提舉學校各路亦有設者此職與教授
等學官其品級相懸於義未當兼南方府州軍縣學校
書院所在皆多若不定立學官員數及各分品級使高
下合宜以備將來陞轉南方選到文儒之士可為後進
師者何以處之以此送吏部與禮部翰林兼國史集賢

院一同講究回呈該南方前進士可為師範者多兼所
在學校書院俱有錢糧足以贍給使學校得人職業修
舉作成人材以備他日選用其於治化本原所係甚重
緣自歸附之後老成前輩恬於進取各處保充教官者
其學問才德往往不厭人望近年以來一道既設提舉
學校官各路又設提學與教授並為學官而下又有訓
導提點錢糧等職名不惟品級相懸於義未當而官冗
人濫深不副上司崇重師儒樂育人材之意看詳隨路

教授學正學錄師範後進作育人材謨述進賀表章考
試歲貢儒吏品級雖輕責任甚重若非公選博學洽聞
有德之士將見倖門一啟賢不肖混淆雖欲盡革前弊
不可得已今據各道提舉學校官并訓導提點錢糧等
職名並擬革罷仍令各處文資正官一員專一提調為
此於今年閏五月十七日啟過事內一件江南管秀才
的見設立着教授又設立提舉學校兼管錢糧和爾郭
斯為頭省官每根底商量來將重設提舉學校官罷了

者錢糧教城子裏官人每管着這般啟呵奉令旨那般
者敬此都省除外合行移咨請照驗敬依令旨事意施

行

咨江准
行省

欽定四庫全書

廟學典禮卷二

程學士奏重學校

集賢直學士少中大夫臣程文海至元二十三年二月
日奏臣聞國於天地必需材以為用而人材之盛非自
盛也全在國家養育之勤其衰也反是參之歷代可攷
也國家自中統建元以來中外臣僚亦時聞表表偉傑
者皆自往時故老宿儒薰陶浸灌而然歷時既久以次

淪謝邇來晨星寥寥無幾何矣臣不知更十餘年後人物當如何其瑣瑣也而主論者恬不知怪視學校為不急謂詩書為無用不知人材盛衰張本於此蓋嘗有旨行貢舉求好秀才上意非不諄切而委人輒陰沮之應故事而集議凡幾作輟矣然則無怪乎選任之非才政治之不理也今已至此後當若何臣愚欲望陛下明詔有司重學校之事慎師儒之選京師首善之地尤當興建國學選一時名流為國人矜式優以餼廩隆以禮貌

庶四方觀感有所興起而名都大邑教官有闕不但循
常例收庸人而已必使廷臣推擇可以為人表儀者條
具聞奏令有祿可養而不墮職比親民而加優視教化
之廢興為考第之殿最其諸生有經明行修者特與蠲
免賦役依已降詔旨施行臣望國家教育有方多士鼓
舞不倦他日隨取隨足無臨事乏材之數天下幸甚伏
取聖裁

江南學田與種養

至元二十三年二月二十一日德仁府北裏鄂諾勒噶察克台什里有時分奏過事內一件江南立學呵怎生先屬學校的田地屬官也如今師父根底學文書的孩兒每根底種養着喫的田地與他每呵怎生麼道有奏呵那般者麼道聖旨了也欽此

左丞葉李奏立太學設提舉司及路教遷轉格例
儒戶免差

至元二十四年二月十五日察察爾集賽第三日柳林

裏阿勒坦察察爾內衆學士做克埒穆爾齊葉李奏過
下項事理具呈中書省照詳內一項該年時聖旨教道
省裏看條例去行得好的我行奏說來者臣看得丁酉
年八月二十五日先朝聖旨為名儒凋喪文風不振教
民間應有儒士收拾見數者儒人種田的納地稅買賣
的納商稅開張門面營運的依行例供出差發其餘差
發並行蠲免臣愚省得先朝創業之初猶以收拾人材
為急今日混一之後豈可不以設立學校為先年時已

有程文海奏立太學聖旨那般行者緣至今未曾設立
如今教設立可宜的一般外道設立儒學提舉正副各
一員專一提調學官講習諸生經史講明治道若有成
材申太學呈省錄用有茂異之材申集賢院奏聞召用
外據各路教授都依在前正八品內一任回本等遷轉
所據儒人除地稅商稅外其餘雜泛差役並乞蠲免但
恐其間真偽不分侵占戶計教隨路提舉好生選試奏
可奉聖旨恁說的宜的一般那田地裏立太學合讀是

甚麼書合設學官并生員飲食分例合立的規矩外頭
設立儒學提舉去處寫出來我行奏著那時分我回言
語欽此 至元二十四年二月二十日集賢院南北諸
儒并衆官欽依聖旨節該講究學校事會議到下項事
理具呈中書省 一國學前件議得監官四員祭酒一

員周正平司業二員耶律伯強硯伯固監丞一員王嗣

能監察御史學官六員博士二員張仲安滕仲禮助教四員

謝奕教授周鼎童科靳泰亨刑部令史王載建寧教授監令史二名學

生

元議二百人先設一百二十人

蒙古五十人諸色目漢人五十人

十歲

已伴讀二十人

公選通文學人充十五以上

學舍比及標撥官地興

蓋以來擬撥官房一所安置創建房舍講堂五間東西

學官廳二座

各三間

齋房三十間

東西各十五間

廚房六間

分左右

倉庫房五間門樓一間生員飲饌每人日支

麪一斤米一升油

鹽醋醬菜蔬柴炭照例勘酌應付床卓什物鍋竈碗碟

等物驗人數多寡逐旋應付厨子二名僕夫一十人生

員各用紙劄筆墨官為應付本學各用經史子集諸書

於官書內關學產比及別行措置以來生員飲食并一切所需之物官為應付候置訖學田然後住支 一國子監隸集賢院 一文廟前件議得合行創建一所先立學校後蓋文廟大都撥地與國學一同興蓋 一外道學校儒學提舉司前件議得除迤北江淮路分隨各道按察司置司去處設立儒學提舉司提舉正副各一員提舉從五品副提舉正七品一外道學校生員成材者申太學茂異者申集賢院聞奏區用前件議得教官

從翰林院選擬呈省照會集賢院外處生員成材者申
國子監若有茂異者提舉司申覆集賢院聞奏呈省區
用 一儒戶免差事前件議得儒戶除迤北路分於至
元十三年選試外據迤南新附去處在籍儒戶於內若
有投充別項各色別無定奪其餘籍內儒戶除納地稅
商稅外其餘雜泛差徭並行蠲免 至元二十四年閏
二月初十日柳林飛放處奏過欽奉聖旨那般者了也
欽此

學官職俸

江浙等處行中書省至元二十四年正月十七日劄付
該近准中書省咨該隨路教授學正學錄師範後進作
育人材撰述進賀表章考試歲貢儒吏品級雖輕責任
實重非公選博學洽聞有德之士將恐倖門一啟賢不
肖混淆雖欲盡革前弊不得已今擬各道提舉學校官
并訓導提點錢糧等職名並擬革去各處文資正官一
員專以提調為此於今年閏六月十七日啟過事內一

件江南管秀才的見設立着教授又設立提舉學校兼管錢糧和爾郭斯為頭省官每商量來的重設提舉學校官罷了錢糧教城子裏官人每管着這般啟了呵奉令旨那般者敬此都省除外咨請照驗施行准此行下各道宣慰司取勘到各路儒學教授正錄并書院山長等各各職名數內多有所歷根脚淺短不經按察司體覆濫設之人月請學糧錢數多寡不一省府議擬到除教授祇受勅牒外本學合設正錄直學并書院山長縣

學教諭各各員數所受文憑隨月請學糧錢數省府除
已開坐移咨都省照驗外合下仰照驗據濫設不應之
人截日盡行革去前項額定人員以勾當三年為滿如
是闕員選保德行才能曾得鄉漕薦舉堪為後進師範
者本路行移本道按察司委便體覆相應回准公文然
後備申本道宣慰司轉呈省府照詳定奪毋得濫行保
舉的委本路文資正官不妨本職兼行提調本學見在
錢糧一應官物從實依公銷用每季開坐見在銷用備

細數目呈省毋致非理侵欺借貸違錯 路設教授係
祇受勅牒人員月請學糧五石鈔五兩 省委相副教
官比及換授以來權充學正員數月給學糧三石鈔三
兩 學正俱受行省劄付月請糧米三石鈔三兩有省
委副教官處設一員無省委副教官處二員 學錄二
員如直隸行省祇受省劄如宣慰司所轄止受本司劄
付每月請糧米二石鈔二兩 直學二員止受本路劄
付月請糧一石鈔一兩掌管學庫田產屋宇書籍祭器

一切文簿并見在錢糧凡有收支並取教官正錄公同
區處明立案驗不得擅自動支 諸州散府教授係祇
受勅牒人員月請糧米五石鈔五兩 學正一員受行
省劄付月請糧米三石鈔三兩 學錄一員直隸行省
去處受本路付身如宣慰司所轄受宣慰司劄付月請
糧米二石鈔二兩 直學一員受本路付身月請糧米
一石鈔一兩 書院山長二員祇受行省劄付月請糧
米三石鈔三兩 縣學教諭許設二員止受本路劄付

月請糧米一石五斗鈔一兩五錢

學校事宜儒戶免差贍學糧子

尚書省至元二十四年四月咨該至元二十四年閏二月初十日奏在先為設立學校的事於二月十五日奏奉聖旨恁說的宜的一般這裏那田地裏立太學合讀甚麼書合設學官并生員飲食分例合立的規矩外頭設立儒學提舉去處寫出來我行奏者那時分我回言語這般聖旨有來欽此今與翰林院裏集賢院裏有的

衆的每一同商議定下項合行奏的事理這般奏呵那
般者麼道聖旨了也欽此都省除外據下項事理合行
移咨欽依聖旨事意施行 一外道設立儒學提舉司
除迤北外江淮等處十一道各立儒學提舉司提舉正
副各一員提舉從五品副提舉正七品前件除外仰照
會施行 一外道學校生員成材者申太學茂異者申
集賢院教官從翰林院選擬呈省照會集賢院外生員
成材者申國子監若有茂異者提舉司申覆集賢院聞

奏呈省區用前件除外仰欽依施行 一儒戶免差事
議得儒戶除迤北路分於十三年選試外據迤南新附
去處在籍儒戶於內若有投充別項名色者別無定奪
其餘籍內見有的儒戶除納地稅商稅外其餘一切差
徭並行蠲免前件除外仰欽依施行 一贍學糧子事
議得江南學校贍士田土欽依至元二十二年二月內
都省奏准聖旨與了秀才除欽依外乞從各道儒學提
舉司點檢毋令教授濫支上下半年免行供報行省宣

慰司總管府前件除外仰欽依施行

咨江淮行
尚書省

儒職陞轉保舉後進例

中書省至元二十四年二月咨該吏部呈近承奉中書省劄付擬府州儒學教授准正九品任滿在歷路教一任准從八品滿日給由赴部於本部遷轉若學正止歷一考即陞教授員多闕少似有窒碍今擬各路教授三年為滿依例遷轉須歷兩任所據隨路教授遇有闕員散府上中州教授歷一考之上者陞補散府上中州教

授有關各處學正歷一考之上者陞補學錄教諭有關
直學保選陞補並依例體覆申呈如未有關員依舊勾
當遇闕依例陞轉似易為銓調其有年高德邵茂材異
等之人不求聞達雖白身堪授教授一路一府者許牒
按察司體覆相同將所業文字連申擬充教授不拘前
例若越次妄舉及選保不拘士行不精儒業令人代作
之人從監察御史本道提刑按察司體究明白申臺呈
省取問是實所保人截日黜罷仍罪及當元舉主體覆

官司似望教官得人作成後進以備他日選用奉此除
遵依外近來各路將一考之上學正錄教諭往往給由
越例求仕及又行保舉白身之人抄錄文字一二篇申
部并翰林院遷用中間冒濫不無竊照平陽益都太原
等路各轄州府一十餘處若將學正教諭人等依常調
人員陞轉即目教授員多闕少泛濫保用不得其人何
以作成後進深為未便本部參詳學校風化之源必當
慎擇師儒教育後進今來議得各路并府州教授別有

遷調影下窠闕擬合令本路官司於所轄州郡教官內
通行推選材德服衆之人牒委文資正官覆察相應然
後行移本道按察司公坐出題試驗將親筆所業文字
并察司的本牒文繳申省部移文翰林國史院再行考
校定奪其餘學正人等依舊守職若有茂材異等本處
官司依例體覆具解令本人親身赴翰林國史院出題
試驗保明關發赴部定奪倘有不應罪及舉官并體覆
官司如此似望革去濫保之弊乞照詳事得此省府准

呈除外合行移咨請照驗依上施行

咨行中
書省

江南儒戶免橫枝兒差發

至元二十五年十月十八日察察爾集賽第一日奏過
事內一件江南秀才做買賣呵與商稅種田呵與地稅
者除外橫枝兒不揀甚麼差發休與者麼道執把著的
聖旨索有俺商量的執把著的聖旨他每根底與呵怎
生麼道奏呵那般者麼道聖旨了也欽此

尚書省十一
月咨江淮等

處行尚

書省

江淮等處秀才免差役廟學禁搔擾

至元二十五年十一月日皇帝聖旨據尚書省奏江淮等處秀才免雜泛差役事准奏今後在籍秀才做買賣納商稅種田納地稅其餘一切雜泛差役並行蠲免所在官司常切存恤仍禁約使臣人等毋得於廟學安下非理搔擾准此

取勘貢士莊田糧

至元二十五年八月日皇帝聖旨諭各處行尚書省行

御史臺行大司農司行宣慰司按察司儒學提舉司應
管公事大小官吏軍民諸色人等據尚書省奏江南人
處訪聞得江淮等處未附已前諸學並有貢士莊田產
所出租課專一養育有學問士人等津遣赴舉秀才用
度歸附已後所收租課本管官司并主學人等夤緣侵
占今四方多學之士悉歸京師上項租課與其無用之
人冒濫支用若選官前去自至元二十三年為頭從實
取勘除修理文廟丁祭并提舉司學官及額設生員等

年例銷用外其餘數目盡數起運京師以備養育四方
賢才用度准奏今差官前去並仰依上施行准此

解發各學餘贍糧赴國子監養士

至元二十五年十一月二十有八日察察爾集賽第一日
奏過事內一件江南亡宋時秀才每根底做糧食與了
田土田地的租子他每喫剩下的擗掠廟宇時分祭丁
的時分有用來至今說的人也無有人也無屬他處底
田地多有如今那的每根底俺根底集賢院裏來的人

去打算道來在前過了的年分不打算從至元二十三年至今交打算了出來了的那裏底秀才每根底斟酌量用外的交將來集賢院官人每分付與這裏有來才藝人每根底秀才每根底交與呵怎生麼道奏呵那般者麼道聖旨了也欽此都省先據集賢院呈乞取勘江淮路貢士莊及贍學田糧自至元二十三年至今除各學年例銷用外餘在糧斛回易作鈔解赴國子監不為常例津助生員以此都省奏降前件事理

學官格例

尚書省至元二十五年十二月日劄付該據翰林國史院呈奉省劄該御史臺備行御史臺咨准侍御史程嘉議牒并禮部備主事廳呈江淮并迤北教官格例至元二十一年翰林國史集賢院例甚為詳備若准所呈似為長便仰與集賢院一同議擬呈省承此本院與集賢院官一同議擬到下項事理呈乞照詳事都省准擬另行外合下仰照驗施行 一御史臺呈備行臺侍御史

程嘉議牒該吏部定到教官格例即目員多闕少泛濫
不無若有茂材異等之人本路具解本人赴翰林院引
試得此照得江淮教官員多闕少若止令依上例保舉
特免親身前往翰苑引試似為便當今擬到江淮迤南
選取教官格例宜准御史臺所據開坐于後 一前進
士人員從本路學校公衆推舉士行修潔堪充教授者
具解本人年甲籍貫於何年某人榜下登科曾無歷仕
的是正身保申本路總管府移牒按察司體覆相應令

本路繳連的本牒文申覆合于上司移咨都省依例施行除另設立提舉外據教授等官員數並依至元二十一年省部定到格例施行違上別無定奪 一不係前進士人員若有學問該博年高德劭為衆所推堪充教授者依上公衆保舉經各道提學同本道按察司文資正官公坐出題當面引試所習經賦各一本全篇考校文理優長中程式者繳連的本并按察司公文用印封銓令總管府保結申覆合于上司除所試程文或本人

別有所業文字並許繳呈依上移咨都省依例施行似
為允中不如依格者別無定奪 一學正學錄已下照
依至元二十一年例選補至考滿當陞教授者依上保
舉體覆引試程文依例施行違上別定奪 一禮部備
主事廳呈該吏部定到教官格例 一該各路府州教
授有闕令本路官司於所轄州郡教官內通行推選才
德服衆者充今來議得若以此為例則是甲處教官不
得充乙處教官丙處教官不得充丁處教官或本路教

官內或有應補而未及滿者或久任考滿者而例不應補并不堪推選者則教官名闕終當曠廢而不補矣

一該其餘學正人員依舊守職今來議得此等人員中間豈無才德堪充者若令依舊守職即是常川不得遷調誠恐淹滯才能 前件議得江淮迤北路分目今不

設提舉無人考校試驗宜准禮部呈所令本路衆公推選士行修潔文學該博堪充師範之人令本人親筆錄寫所業經義詞賦詩文一十篇為額內詩不過五篇准

本道按察司體覆相同回牒開寫本人才學行實本路將的本牒文并所業文字用印封緘張縫粘連在前照依二十一年吏禮二部同翰林國史院定到教官員數陞轉格例學正學錄教諭保結申禮部外府州教授路教授保結申吏部挨次保舉白身保充學錄教諭一考陞學正學正一考陞府州教授府州教授一考陞路教授今後立定教官非備員而已並令開設學校訓誘諸生作養人材似為允當一切違上格例保舉者別無定

奪 一該若有茂材異等本處官司具解令本人親身
赴翰林院試驗今來議得既是茂材異等之人寧肯親
赴翰苑試驗儻有赴試之人必非茂材異等如此甚失
尊賢禮士之義參詳學校之官若槩以選法拘鈐則僥
倖貪進之人固宜遏抑而恬退碩學之士必不屑就矣
然省部累行雖有黜退非才罪及舉官之文終是因循
不曾舉行大抵有司守法既謹擇人既精則學校庶可
興行矣今後擬合照依二十一年都省令翰林國史集

賢院吏禮二部定到學官格例施行仍劄付御史臺遍
行各道按察司監察御史責成其事如有選舉不應及
陞轉不依例而冒濫申覆者將本處學官并覆察官必
須嚴加責罰本部參議學官格例二十一年翰林國史
集賢院定立甚為詳備若准本廳所呈似為長便 前
件議得如准禮部所擬若有年高德劭學問該博恬退
自處不求聞達堪充一路一州教授者並仰本路詢衆
推舉錄寫所業文字孝廉行實移准本道按察司體覆

相同再行移牒按察司覆察是實本路依上連粘所業文字并二次體覆牒文保結申部許補教授似為允當違上格例保舉者別無定奪大都路不隸按察司去處遇有保舉教官亦仰依上推舉保給申覆合于部分呈省行移御史臺令監察御史體覆申臺呈省施行違上格例保舉者別無定奪一越次妄舉及推保不拘士行不精儒業令人代作文字之人從監察御史本道按察司體究明白申臺呈省取問是實罪及元舉官及

體覆官 一江淮諸行省今後咨到保舉試驗合格人

員誠恐選部員多闕少擬從省年挨次月日籍記姓名

遇有闕處照依次第差注江淮迤北亦依此例

劉付御史臺

文廟禁約搔擾

尚書省至元二十五年月日據樞密院呈准中奉大夫
同簽樞密院事咨照得至元二十三年欽奉聖旨差往
江南等處尋訪行藝高上人員所至時有教官士人告
稱諸官吏及諸管軍官吏等多於路府州縣學舍命妓

張樂喧囂褻慢習以為常無敢誰何甚失國家崇學重
道之體今有新授潭州路儒學教授林應龍慶元路儒
學教授吳宗彥嘉興路儒學教授唐林亦皆稱所在學
舍多有似前不知禮法之人乞加禁戢庶得專教養之
事肅風化之源以此檢會到中統二年聖旨節文宣聖
廟國家歲時致祭諸儒月朔釋奠宜常令洒掃修潔今
後禁約諸官員使臣軍馬毋得於廟宇內安下或聚集
理問詞訟及褻瀆飲宴管工匠官不得於其中營造違

者治罪管內凡有書院亦不得令諸人搔擾使臣安下
欽此咨請照驗施行准此本院看詳應大小管軍官吏
隸本院掌管除已約束外其餘官吏合行具呈尚書省
照詳移咨各處行省遍行所屬出榜禁治施行都省除
外合行移咨遍行所屬出榜禁治施行

洛江淮行
尚書省

儒人免役及差設山長正錄直學詞訟約會

江淮等處行尚書省至元二十五年十二月二十日崔
思政承行劄付該來呈本道儒學提舉司行移淮東浙

西儒學提舉司會驗下項學校格例乞照詳事得此省
府照得本道見呈與省府元議相同合下仰照驗行下
合屬依上施行 一儒戶除納稅糧外和買和賣倉場
庫官大小科差並從除免前項議得儒戶教官各處自
有簿籍仰本司行下合屬取勘見數籍名置冊却不得
將不係儒戶動搖違錯 一儒學保明生員除山長學
正呈省定奪外其餘學錄直學以下人員並從本司存
設乞照詳前項議得依准所呈 一管民官司凡有詞

訟不行約會擅行勾捉驚嚇老小事前項議得儒戶除
犯奸盜一切所犯重罪并催徵稅糧有司理問外其餘
詞訟約會一同歸問

劉付浙東
宣慰司

差設學官學職

浙東道宣慰使司至元二十六年八月三十日劄付照
得至元二十五年七月十一日據浙東道儒學提舉司
申會驗卑司近於至元二十四年十二月十九日開司
所據合行事件未有定例照得淮東道儒學提舉司已

曾講究到學校事理呈奉江淮等處行尚書省劄付准
議了當為此移關本司會驗去後於五月二十二日回
准關該今將本司合行事件逐一開坐如后請照驗施
行事准此又照得本司先為開設衙門未有定例移准
浙西道儒學提舉司牒該至元二十四年十二月二十
二日承奉浙西道宣慰使司劄付該近據來申各路儒
學學正山長從卑司選保申按察司體覆相應申宣慰
使司保呈省府出給劄付學錄保申宣慰使司給劄直

學教諭乞從卑司於相應人員內差擬免行體覆乞照
詳事得此具呈江淮等處行尚書省劄付該省府准呈
合下仰照驗施行承此使司除外仰照驗依奉省劄內
事理施行承此當司除已依上施行外牒請照驗事准
此卑司今將會到各道儒學提舉司學校合行事理申
乞照詳明降事開坐到數內一項昨來至元十七年設
立各道儒學提舉司承奉宣慰使司劄付備奉行中書
省劄付該應儒學大小事務並從儒學提舉司掌管所

有日前總管府並免提調至元二十一年因革罷提學
之後儒學事務仍歸各路府州司縣提調所差設職員
並從體覆今既復設儒學提舉司見欽奉聖旨應外道
學校生員成材者申太學茂異者申集賢聞奏呈省區
用並從隨道儒學提舉司保申所有體覆一項委為重
疊除學正山長比擬路教資次儒學提舉司保明呈覆
上司轉呈行省出給劄付外其餘學錄縣學教諭以下
照在前體例並從儒學提舉司出給付身差役並免體

覆似與近詳條畫相應及諸齋合設長諭各一員鈐束
諸生申乞照詳明降施行今奉省府議得依准所呈前
件本司奉此除已行移各處路府州縣及合屬儒學書
院依奉省劄內事理施行外乞照驗事得此使司照得
先於至元二十四年十二月二十一日承奉江浙等處
行中書省令史張新承行劄付為學官格例事該省府
議擬到除教授祇受勅牒外據本學合設正錄直學并
書院山長縣學教諭各各員數所授文憑月請學糧鈔

數省府除已開坐移咨都省照驗外合下仰照驗據濫設不應之人截日盡行革罷前項額定人員以勾當三年為滿如是闕員選保德行材能曾得鄉漕薦舉堪為後進師範者本路行移本道按察司委自正官體覆相應回准公牒然後備申本道宣慰司轉呈省府照詳定奪數內開坐到路設教授係祇受勅牒人員省委相副教官比及換授以來權准充學正員數學正俱授省劄有省委副教處設二員如直隸行省祇受省劄宣慰司

所轄止受本司劄付書院山長許設二員祇受行省劄
付教諭許設二員止受本路劄付為此具呈省府照詳
去後至元二十六年二月二十七日承奉江淮等處行
尚書省令史崔思政承行二十五年十一月二十日劄
付該來呈本道儒學提舉司行移淮東浙西儒學提舉
司會到下項學校格例乞明降事得此省府照得本道
見呈與省府元議相同合下仰照驗依上施行開作到
數內一件儒學保明生員除山長學正呈省定奪外其

餘學錄直學以下人員並從本司差設乞明降事前件
議得依准所呈奉此照得省府元議如是闕員選保德
行材能曾得鄉漕薦舉堪為後進師範者本路行移按
察司體覆相應學正俱受行省劄付學錄如直隸行省
祇受省劄如宣慰司所轄止受本司劄付山長祇受省
劄教諭止受本路劄付其儒學提舉司會到淮東提舉
司例呈准省劄差設職員並免體覆學正山長從提舉
司保明申覆上司轉呈行省出給劄付其餘學錄教諭

以下並從儒學提舉司差設所有儒學提舉司所呈即與省府元議不同除學正山長省府定奪別不見學錄直學以下是否從宣慰司差設及不見學職人員合無依例體覆又不見設立儒學提舉司有無定到格例為此再呈省府照詳去後今奉省府劄付該來呈本道儒學提舉司申近於至元二十四年十二月十九日開司所據合行事理未有定例得此竊詳既立提舉衙門合從本司選保相應人員申覆照依省府元議事理施行

得此照得先據來呈亦為此事為此照得至元二十四年八月內據淮東儒學提舉司申開具到所行格例一項省府議得山長學正呈省定奪外其餘學錄直學以下從儒學提舉司差設已經行下本司照驗去訖今據見申合下仰照驗照依已行施事理施行奉此使司除外合下仰照驗依上施行

劉付儒學
提舉司

正錄不與教官連署

國子監至元二十六年九月二十日令史張瀛承行指

揮近據淮西道儒學提舉司申據巢州等處學正朱庭槐等呈本學應行文書照依江浙例正錄與教官一同簽押乞明降事得此照得省部定到教官格例節該學正學錄不得連銜簽署文簿府州并各處書院准此直學掌管本學田產屋宇書籍祭器一切文簿并見在錢糧凡有支發並聽提學教授公議區處明立案驗不得擅自動支違者從教授申覆本處官司截日黜罷事除外合下仰照驗行下合屬照會施行毋得亂行申覆

浙下

東道儒學
提舉司

儒人公事約會

尚書省至元二十六年月日咨該集賢院呈據浙東儒學提舉司申到事內一件各道儒學提舉司管領儒人但有公事與管民官司相關者管民官司並不問事理輕重徑直勾攝泛行搔擾深為未便擬合照依諸衙門體例一同約會為此送國子監議擬去後今據准呈儒人遇有公事除犯姦盜從有司歸問外其餘一切事務


並從約會呈乞照詳事本院參詳若准所擬相應送禮部照驗議得合准集賢院所擬乞照詳事都省准呈除外合行移咨照會依上施行

咨江淮行尚書省

分揀儒戶不可輕易

國子監至元二十六年正月初二日令史鄭溟承行指揮承奉集賢院判送浙東道儒學提舉司申照得各路府州縣學官山長人等不能盡心致使豪富不文之人經營入籍規避差徭乞令按察司委係名儒分揀送國

子監議得不可輕易紊亂呈奉到集賢院劄付議得依
准所擬施行奉此合下仰照驗施行



欽定四庫全書

史部

廟學典禮卷三

詳校官監察御史臣劉芬

編修臣程嘉謨覆勘

謄錄監生臣沈霽

謄錄貢生臣張大同

欽定四庫全書

廟學典禮卷三

正錄任滿給由

集賢院至元二十七年二月日劄付該據司直司呈該
承奉尚書吏部符文承奉尚書省判送本部元呈奉省
判集賢院呈浙東道儒學提舉司申江南各路學正山
長學錄受院監付身三十箇月為任滿給由依例遷轉
國子監擬照得省部定到江淮教官所受文憑即該學

正受行省劄付學錄受宣慰司劄付奉此即目南北教官從監官考較定擬凡今後江淮迤南教官從本路儒學公衆推舉保申各道提舉司就便依例行移按察司體覆相同然後從儒學提舉司考較所業文字循例定擬職名學正申行省學錄申宣慰司就便出給劄付外據三十箇月為考滿依例給由一節若從本司所擬相應具呈照詳奉都堂鈞旨送吏部疾早照擬連呈奉此本部議得儒學教官例從集賢院定擬所據江淮迤南

學正錄給由事理叅詳擬合照依教授例候得替依例
給由相應呈奉都堂鈞旨准擬送吏部行移照會施行
奉此除外省部合下仰照驗施行承此本司呈乞照驗
事得此使院合下仰照驗更為行下合屬照會施行

劉
付

國子
監

江淮擬設學官員數及陞轉格例

集賢院至元二十七年三月日劄付該據司直司呈奉
尚書吏部符文該來呈江淮擬設教官員數節該散府

諸州并各處書院擬設教授學正學錄直學各一員又
照得陞轉格例散諸府州并各處書院教授擬正九品
依上選注以三年為一任遷充各路教授無闕止於本
等窠闕內更厯一任依例於從八品司縣官內選用呈
乞照詳事得此即不見各處書院自幾年分額設教授
已後緣何不曾差設及各處書院應設去處難便施行
合下仰照驗依上行移照勘明白擬定開坐呈部事承
此呈乞照詳得此使院合下仰照驗依上照擬開呈

劉付

國子監

隨路府州縣尹提調儒人功業

江淮等處行尚書省至元二十七年八月日劄付開坐各項條目數內一項檢會應奉上司格例條具到合行事理數內一欸所轄等處多有豪富勢要兼併之家往往托以儒戶為名厚賄構結有司官吏苟避差徭不當戶役因而靠損貧民誠為未便今後摘委隨路府尹并府州縣尹不妨本職提調照勘所管在籍儒人見數榜

示姓名每月上下半月一次考較各各所習功業能通文學者依例免役如有怠惰荒廢不通文學之人即仰開申省府定奪與民一例差役如有不法官吏因而取受錢物依前影庇妄作儒戶不當差役許諸人陳告取問是實一體治罪

劉付紹興路總管府

不許變賣學舍

行御史臺至元二十七年十一月十八日劉付據察院呈揚州在城宣聖廟學舍東西兩教授廳屋二所及先

儒鄒道鄉先生祠宇一所於內四栢亭等係道鄉先生
分教路學手植四栢建亭經今二百餘年今有上司委
官同錄事司將上頂房屋等丈量出賣叅詳先儒祠宇
教授兩廳房屋即與其餘係官房舍不同若令出賣似
於崇儒重道之意有所未盡乞照詳及據江北淮東道
提刑按察司申亦為此事得此憲臺看詳各處文廟有
司相沿交割理當增修以宣風化若與其餘無用房舍
一例出賣所得不多有傷治體實甚伏慮省府不知呈

奉到江淮等處行尚書省劄付該省府相度既是文廟房舍有司不應一例供報發賣除已劄付淮東道宣慰司行下合屬照勘存留外可照會施行承此合下仰照驗施行

按察副使王朝請俟申明體覆

行御史臺至元二十七年十二月二十一日劄付該來申該准分司巡按官副使王朝請牒該照得上司元行格例江淮教官從儒學公衆推舉保申儒學提舉司依

例行移按察司體覆相應然後提舉司考較所業大字
循例定擬職名山長學正申行省學錄申宣慰司出給
劄付各縣教諭提舉司委付今體知得儒學提舉司保
用教官多不行移體覆或於已差之後才方移文中間
不應者往往有之得此照得勉勵學校宣明教化乃風
憲所掌學校之官苟非其人教化何由而生雖加勉勵
亦無所益合下仰照驗教授山長照依定例體覆外據
學正學錄教諭等職今後須憑鄉曲善士同舉保文行

兼備衆所敬服可為後進師範之士提舉司保給移文
提刑按察司牒文資正官體覆如實相應准回文方許
委用至於府州儒學司計直學之類宜從公堂選舉本
學保申提舉司出結付身委付巡按官到彼體覆若有
不應就便改正施行

劉付浙東提
刑按察司

教授給由

至元二十七年二月江西行省准尚書省咨集賢院備
國子監呈淮西儒學提舉司申若有教授學正考滿給

由未審申覆使監唯復申覆本道宣慰司事本監照得
先承奉集賢院備尚書省劄付本監掌管學校定擬南
北儒官江淮等處儒學提舉司並隸本監管領奉此入
照得各處儒學提舉司所轄俱各掌管學田錢糧每年
造冊申監呈院今本監議得既江淮各道儒學提舉司
學田錢糧隸本監所管所據教授考滿給由擬合依例
申覆本道宣慰司另申國子監呈集賢院照勘似為便
當本院參詳准擬相應得此送吏部照擬得除腹裏教

官別無掌管學田錢糧擬合依舊給由申覆有司外江南儒學教官如有干礙學田錢糧事理合從集賢院所擬其餘告叙等依例從合屬給由行省移咨都省送吏部定奪如准所呈乞行照會得此都省准擬咨請依上施行

各路歲貢儒人

至元二十八年三月日命鄂勒哲依為右相將到聖旨政條內一欵南方儒人若有隱逸德行文章政事可取者其

依內郡體例各路歲貢一人朝廷量材錄用

學官考較儒人功業府州縣文資正官提調

江淮等處行尚書省至元二十八年二月初四日令史
楊仁承行劄付該據行御史臺呈備浙東海右道提刑
按察司申該分司巡按官牒該近知婺州路總管府阿
爾善承宣慰司劄付備奉江淮等處行尚書省劄付該
多有豪富之家托以儒戶為名苟避戶役靠損貧民今
後摘委府州縣尹提調每月上下半月考較儒戶功業

能通文學者依例免役如有怠惰荒廢不通文字之人
申省定奪與民一體當差有阿爾善總管轉委婺州閒
人趙亦李前來婺州東陽住留月餘空被干煩於事無
益看詳江南儒戶數內豈無托名苟避戶役之人若每
月二次委官考課非徒不能別其真偽但恐反有所擾
況色目官員不通文學若令提調儒戶功課似非所長
乞照詳事得此照得各處儒戶近經抄數其籍已定今
後民間雖有僥倖欲避役者無從可入若將提調色目

人員革去及上下半月考校之事權行住罷似免學校
搔擾呈乞照詳施行得此照得至元二十三年准中書
省咨該隨路教授學正學錄師範後進作成人材撰述
進賀表章考試歲貢儒吏品級雖輕責任實重若非公
選博學洽聞有德之士將見倖門一啟賢不肖混淆雖
欲盡革前弊不可得已擬各道提舉學校官并訓導提
學錢糧等職名並係革罷仍令各處文資正官一員專
一提調為此至元二十一年閏五月十七日啟過事內

一件興起江南管秀才的見設教授又設提舉學校兼管錢糧和爾郭斯為頭省官每商量來將重設提調學校官罷了錢糧交城子裏官人每管着這般啟呵奉令旨那般者敬此都省除外咨請照驗施行准此已經行下各處照會去訖又照得先為所轄去處多有豪富勢要兼併之家往往托以儒戶為名厚賄搆結有司官吏苟避差徭不當戶役因而靠損貧民未便以此摘委府州縣尹不妨本職提調每月上下半月一次考校能通

文學者免役不通文學之人與民一體科差行下各處
依上施行去後不曾委令色目人員考校今據見呈照
得抄數戶口已定咨准都省明文該議得江南儒人比
及選試分揀定奪以來將歸附之初元籍內儒戶於儒
戶項下作數續收儒戶收係為民又續准尚書省咨該
歸附之初有籍儒戶已擬作儒外據無籍儒人既有葉
提舉續置印押文卷合從行省查照相同擬作儒戶准
此省府除外合下仰照驗今後止令學官考校依已行

文資正官提調施行

劄付紹興路總管府

按察副使王朝請候申請設立小學

浙東海右道提刑按察司至元二十八年三月日牒該
近准本道副使王朝請牒開坐儒學宜行事理數內一
項今後各處儒戶子弟於學舍就師讀書若訓教不見
成效連及提舉司官教官事准此申奉到行御史臺劄
付該議得南方儒戶往往皆有門館或父兄自教若擬
一概將子弟拘之入學未知便與不便仰本道再行講

究施行承此行下經歷司再行講究去來回據狀呈該
講究得古者教人有序八歲入小學十五歲入大學小
學所以為大學之基本若於各路各縣學內設立小學
選請老成之士以闡循循善誘之訓惠至溥矣或自願
招師或自從其父兄令聽其便得此除外合行移牒請
照驗依上施行

牒本司
副使

抄戶局攢報儒籍始末

江淮等處行尚書省至元二十七年九月初十日劄付

欽奉聖旨節該抄數南北諸色戶計欽此行下各道隨路欽依盡實抄數劄付本司令當該官吏賣本管儒戶花名見住州縣村坊一應干照文憑赴省攢報去後照得本司所管儒戶至元二十四年准尚書省咨數內一款儒戶免差事理議得儒戶除迤北路分於十三年選試外據迤南新附去處在籍儒戶內若有投充別項名色別無定奪其餘籍內見有的儒戶除納地稅商稅外其餘一切差徭並行蠲免又照得至元二十六年二月

初六日國子監承奉集賢院劄付該奉尚書省劄付准中書省咨奏奉聖旨內一欵節該秀才每做買賣呵與商稅者種田呵與地稅者其餘橫枝兒不揀甚麼差發休與者欽此議得江南秀才甚多若盡從供具手狀俱作儒戶恐真偽難辨虛添數多擬合將歸附之初元籍儒戶於儒戶項下作數外據已後續收儒戶即今科舉未定合無於民戶內抄數為此移准尚書省咨該都省議得腹裏儒戶至元十三年試中者止免一身差役所

據江南儒人比及選試分揀定奪以來將歸附之初元籍儒戶於儒戶項下作數外據已後續收儒戶收係為民合行移咨依例攢報行事准此省府除外合下仰照驗依上施行

劉付浙東道儒學提舉司

行省先准本省教化右丞咨

據徽州路申乞分揀儒戶事議乞驗歸附初籍將已後續收儒人分揀為民咨請定奪行省議擬將歸附之初元籍儒戶作數外據已後續收儒戶收係為民咨准都省回咨遂有此行

儒戶照歸附初籍并業提舉續置儒籍抄戶

尚書省至元二十八年正月咨准來咨欽奉聖旨節該抄戶事欽此行下各道隨路欽依盡實抄數及將諸色戶計名項移准尚書省咨文內一項議得腹裏儒戶至元十三年試中者止免一身差役所據江南儒人比及選試分揀定奪以來將歸附初元籍儒戶於儒戶項下作數外據已後續收儒戶收係為民准此已下各道隨路并儒學提舉司依上施行去訖本省照得各處歸附

之初儒戶元籍亦有有者有無者若依上將歸附之初
無元籍去處儒戶盡行收係為民其間恐誤籍內博學
碩儒及照得見據杭州路申先聖五十四代孫孔雷龍
饒州傅初菴歸附之初元籍內無各人姓名似難於民
戶內抄數如杭州路儒戶歸附之初止是有司憑據坊
里正人等一時具寫諸色戶計攢類籍冊經今多年其
間少有完全却有十八年葉提舉開立儒學衙門置到
儒籍莫若除有歸附之初元籍者依准元籍查勘若委

無歸附之初元籍去處合無憑此以後續置有印押堪
信文卷籍冊查勘攢報似望不致漏落差池咨請定奪
回咨施行事省部參詳歸附之初有籍儒戶已於儒戶
內作數外據無籍儒戶既有業提舉續置印押文卷合
從行省查勘相同擬作儒戶相應部省准呈咨請照驗
施行

咨江淮等處
行尚書省

儒戶照抄戶手收入籍

行省戶房至元二十八年四月初八日令史馬禧呈欽

奉聖旨節該抄數南北諸色戶計欽此行下各道隨路
欽依盡實抄數及將諸色戶計移准尚書省咨文數內
一項議得腹裏儒戶至元十三年試中者止免一身差
役所據江南儒人比及選試分揀定奪以來將歸附之
初元籍儒戶於儒戶項下作數外據已後續收儒戶收
係為民准此已下各道隨路并儒學提舉司依上攢報
去後回據浙西道儒學提舉司申備杭州路儒人謝元
卿等連名狀告至元十八年方有受勅教授齋到印信

前來續有尚書省葉右丞充教授時置立籍冊今戶口局官吏不將葉教授等置到學籍查照却將至元十四年臨安府供報戶計須知文冊指作元籍查對其間止稱張秀李秀王官人張進士並無三代備細名諱蓋緣止憑坊正卷長抄數不曾關會儒學照勘以致爭差若止憑須知查對在籍儒人百不存一學校廢壞乞照詳事得此本省照得各處歸附之初元籍亦有有者亦無者見據杭州路申先聖五十四代孫孔雷龍并饒州

傳初菴歸附之初元籍內亦無各人姓名似難於民戶
內抄數如杭州歸附之初止憑坊里正人等具寫諸色
戶數類攢籍冊其間少有完全却有十八年葉提舉開
立儒學衙門置造儒籍莫若除有歸附之初元籍者依
准元籍查勘若委無歸附之初元籍去處合無憑此已
後續置有印押堪信文卷籍冊查報似望不致漏落差
池移准尚書省咨該送戶部照擬將歸附之初有籍儒
戶已擬作儒外據無籍儒戶既有葉提舉續置印押堪

信文卷合從行省查照相同擬作儒戶相應都省准呈
移咨依上施行准此劄付監局總管李嘉議依上查照
攢報去後回呈該元蒙省府發下各處歸附之初有司
報省諸色戶計籍冊遂令各處儒學官吏一同查照得
於內多稱張秀才李秀才上舍進士官人比對今抄手
狀姓名爭差不同如杭州九縣四司止有查同九十九
戶江東信州一路查同四戶廣德一路查同二戶蓋是
歸附之初官府草創止憑坊里正人等取到諸色戶數

一時應報須知即非儒籍於內亡宋登科發解真材碩
學名卿士大夫多不在內又兼淮西淮東浙東等處別
無報省須知籍冊若依各處學籍查照除杭州路有至
元十八年葉提舉置到儒戶籍冊外其餘諸路儒籍多
係縣學教諭山長教授歸附後各年不等自行置到文
冊俱各有首無尾中間增減改抹真偽不辨實難憑信
如蒙省府分揀定奪歸一勘信文憑查照作數似望不
致差池呈乞照詳事得此照得至元二十四年准尚書

省咨該至元二十四年閏二月初十日奏在先為設立學校的事於二月十五日奏奉聖旨你說的宜的一般這裏田地裏立太學合讀甚麼書合設學官并生員飲食分例合立規矩外頭設立儒學提舉司去處寫出來我行奏者那時分我回言語這般聖旨有來欽此今與翰林院裏有的衆老每一同商議定下項合行事理這般奏呵那般者麼道聖旨了也數內一欸儒戶免差事議得儒戶除迤北路分於至元十三年選試外據迤南

新附去處在籍儒戶於內若有投充別項名色者別無
定奪其餘籍內見有的儒戶除納地稅商稅外其餘一
切差役並行蠲免又一欵外道學校生員成材者申太
學茂異者申集賢院間奏區用又一欵外道設立儒學
提舉司除迤北外江淮等處一十一道各立儒學提舉
司正副各一員提舉從五品副提舉正七品欽此已經
遍行了當為此議得比奉朝廷差官選試以來擬依歸
附之初元籍并至元十八年葉提舉置到印押文冊及

至元二十四年尚書省與翰林集賢院商議定奏奉聖
旨各道儒學提舉司當時置到儒戶印信冊內述相從
實查照委係在籍儒戶權行作儒攢報於內若有投充
別項名色別無定奪外據至元二十四年已後續收戶
數收係為民移咨都省照驗去後今據省委浙東道查
戶官懷遠軍判高天祐呈浙東道在先不係葉提舉管
領別無本管置到十八年籍冊外至元二十四年二月
十九日欽依聖旨設立儒學提舉司衙門署事當時行

下各處學院照勘儒籍俱各未曾報到其各處學官人等雖有齊到年月不等儒戶花名文冊多係縣學教諭山長歸附後各年不等俱各有頭無尾中間增減改抹真偽不辨實難憑信照得浙東道抄數南北人戶約計一百一十四萬儒戶止有八千七百二十四戶較之分數百不及一若將見抄儒戶權行攢寫入籍聽候試驗似望早得完備及據浙西道查戶官懷遠軍知軍宋從政等呈備據平江等路儒學學正劉惟肖等狀呈儒戶

事理至元十四年有籍歸附之初官司草創止憑坊里
正人等應報須知作張秀李秀進士官人比對今抄手
狀姓名爭差即非儒籍實難查照至元二十四年設立
儒學提舉司止憑各學官吏將到此在學行供人員供
報提舉司禮上須知如平江一路狀元阮登炳登科文
肖翁發解張酉登范文正公子孫范士貴等此時或隱
避山林或出仕他處或遊學遠方至元二十四年須知
冊內俱無各人姓名其他各路如此者多若使憑准查

照收係為民實為未便照得軍站等戶俱有在先官定
版籍所據江南儒戶歸附以來未經分揀別無一定籍
冊難同其他諸色戶計一體查照呈乞照詳外據平江
常州江陰建德湖州松江宜興等處儒學官狀告亦為
此事得此今蒙省府官同議得江淮諸路軍站人匠打
捕鷹房別項戶計俱有在先奉到聖旨處分行省攢定
印置籍冊所據儒戶歸附以來未經上司通行分揀雖
有學官各年不等置到花名文簿其間少有完全如先

聖五十四代孫孔雷龍饒州傅初菴衢州劉中齋及前
賢范文正公子孫亡宋登科發解真才碩學名卿士大
夫多不在內以此看詳各路年月不等山長教授自行
籍寫不完文冊似難憑准止合依據今次欽奉聖旨抄
數戶計取到手狀入籍仍咨都省照驗都事常祿員外
范郎中高

郭簽省咨復楊總攝元占學院產業

江淮等處行尚書省至元二十八年四月榜文該准本

省簽省嘉議大夫簽江淮等處行尚書省事咨該欽觀
詔書開列條例務在更張舊弊惠濟生民除已欽依奉
行外近體知得楊總攝等倚恃權勢肆行豪橫將各處
宮觀廟宇學舍書院民戶房屋田土山林池蕩及係官
業產十餘年間盡為僧人等爭奪占據畧舉杭州太一
宮四聖觀林處士祠堂龍翔宮伍子胥廟紹興鴻禧觀
及湖州安定書堂鎮江淮海書院等處皆亡宋以前先
賢名迹江山形勝之地遠者百有餘年一旦皆被僧人

强行抵賴或稱先係寺基或云僧人置到不經官府陳
理一旦使力逐出業主將應有財賦錢糧等物據為已
有既得之後不為修理愛護拆毀聖像喂養頭陀宰殺
猪羊恣行蹂踐加之男女嘈雜緇素不分蔑視行省行
臺欺虐官民良善致使業主無所告訴又民間金玉良
家子女皆以高價贖買以其貲財有餘奢淫無所不至
由此南方風俗皆為此曹壞亂近者罪惡貫盈幸而敗
露致蒙朝廷差官前來抄出揚總攝并首領官一切黨

與人等公私物件除在搬運他處外據金玉寶玩歌童舞女不可勝數其貪縱無厭於斯可見擬合將在前僧人强行佔據諸人房屋田土山林池蕩并宮觀廟宇學舍書院照依歸附時為主盡行給還元主實副江淮民望據此除外合行出榜曉諭者

都省押發各學錢糧

尚書省至元二十八年五月咨該據集賢院呈至元二十八年二月十九日呼圖克台集賽第一日本院官哲

哩默司徒等奏在先奏奉聖旨江南取將來的二十三
年至二十五年學因子粒等錢糧一萬三千定有零這
錢裏頭與陰陽法師國子學生員喫的茶飯支有來如
今除支用外薄歛軍見在鈔一萬一千七百四十四定
六兩六分三釐銀一百二十三兩七錢八分兩處解庫
一千六百定俺伴當每商量來集賢院裏不是管錢穀
衙門都教分付與省家陰陽法師國子生員每喫茶飯
依舊教省裏宣徽院裏應與呵怎生奏呵那般着是也

麼道聖旨了也欽此行下國子監照勘到實起已支見
在銀鈔呈解前去乞照詳事得此都省除外合行移咨
欽依施行今後追到錢糧差人管押咨發都省施行

江咨

淮等處行

尚書省

行省催覈歲貢儒人

江淮等處行中書省至元二十八年九月劄付該欽奉
詔書內一款節該南方儒人若有德行文章政事可取
者其依內郡體例各路歲貢一人朝廷量材錄用欽此

省府議得平治天下以人材為先作養人材以學校為本所以諸路設立教授專一教養生徒考較課業務在成材以備國家選用江南素稱多士自歸附以來國家設官教養已十六年矣宜得人材以應明詔經今數月諸路不見貢到德行文章政事之人以副朝廷任賢之意推原其由或是教授不盡心訓導或管民官有失振率或是教授不當其選曠廢教養又諸路提調學校官止問錢糧不顧職守任責況無諸路學糧專為養贍務

學之人初非專私於教官今上項官員不能仰體上意
虛費錢糧有負國家設立學校之盛德相度路府州縣
承流宣化之官宜當勉勸學官開設學校每歲欽依詔
書貢舉以備選用外貢不盡生員如各處吏員有闕相
參取用合下仰照驗通行合屬仍移牒肅政廉訪司依

上施行

劉付浙東
道宣慰司

儒學提舉俸給

中書省至元二十八年十月咨該據江淮行中書省參

知政事燕公楠呈至元二十八年七月二十三日伊克集
賽第二日錫保齊巴勒噶遜內裏有時分什巴爾齊特格
特穆爾平章必齊齊納沁托克托大卿等燕參政的勾當
商量了說者麼道聖旨有呵俺商量了奏呵達爾罕鄂托
克齊塔瑪噶齊秀才等格卜什巴勒丹唐古特托音等商量
有麼道聖旨了也當日俺商量了內裏寢殿裏有時分
特格特穆爾納沁托克托等再奏呵尋思了說麼道
聖旨有來二十四日欽奉聖旨燕參政說的勾當聽了

道是來省官人每根底說者麼道聖旨了也欽此數內
一件管儒人醫人的兩處提舉司教訓好人上位用着
有管着這的每底好人委付者只於他每裏頭出來的
錢物內與俸錢不動着官錢好人每也不生受道有俸
商量得儒學提舉司有俸有醫學提舉司自前無俸錢
醫人根底不須與商量來都省合行移咨請照驗欽此
施行

咨江淮等處
行中書省

教官銓注免面試令各路定擬

中書省至元二十八年十一月咨該據御史臺呈准行
御史臺咨備福建閩海道提刑按察司申據經歷遲嘉
從仕呈檢會至元二十七年十月二十九日承奉行御
史臺劄付備奉尚書省咨該集賢院呈各處陞充教授
連到所業文字豈無似儒非儒令人代作之者今後應
陞充教官人員令按察司體覆相同所業文字前來赴
院引試果有學問所業文字又中程式依例定議行移
各部銓注事奉此照得至元二十七年十一月二十四

日准福建路牒呈該承奉福建等處行尚書省劄付該
准尚書省咨應求仕官員須要赴都省引驗遷叙本省
照得先准都省咨兩廣福建沿海城子官人五品以下
就便銓注切緣本省極邊重地闕負去處於任滿得替
等官內擬注先令補闕勾當移咨尚書省奏降勅牒若
令離職赴都引驗慮恐耽誤未便都省擬准施行奉此
顯忠看詳福建兩廣乃南鄙煙瘴重地五品以下牧民
之官尚且不令赴都引驗何況有學寒儒焉能跋涉梯

航往回一二萬里求一教官若不從優定奪誠恐英材
隱居山澤必有遺賢之歎咨請照驗施行准此本臺呈
乞照詳都省送吏部議擬去後回呈該集賢院判送國
子監備國子監呈該照得本學近擬到監學可行事內
一件該近奉上司照會凡舉教授者皆令赴院引試相
應然後許補以此看詳腹裏教官人員所遷甚少其所
試者往往皆係江淮閩浙湖廣人員近者不下數千程
遠者或至萬餘里格例既謂年高德劭不求聞達安肯

跋涉山川備嘗險阻不顧義命爭一學官哉合無革去
此端務令各路嚴加精選德業隆重學術老成為衆所
服之人必然可為一處之教授者所在官司重行保舉
按察司再三體覆相應依例定擬除授若有司守法既
謹擇人既精是為得人之道矣為此已經開坐具呈國
子監轉呈上司照詳去訖今奉事理本學參詳江淮南
北儒學教授已有推選定例又欲面試似非所宜合行
革去外據行省就便擬注先令補闕勾當一節合從省

部區處得此本監參詳若准國子監所擬實為相應具
呈照詳事本部議得儒學教官已有推選格例今集賢
院議擬革去面試與行臺所擬相同外據行省就便擬
注先令補闕勾當參詳恐涉差池今後應陞教官人員
令各路照依元定格例精選德業隆高為衆所服將親
筆所業文字行移肅政廉訪司重行體覆相應定擬窠
闕今集賢院考驗所業文字若中程式本部依例銓注
如蒙准呈乞賜行移合屬照會乞照詳事都省依准吏

部所擬除已劄付集賢院照會外咨請照驗依例施行

咨江淮等處

行中書省